

tus follicularis fortior; orthopnoea et palpitationes cordis maxime exeruciant aegrotum; vires sensim fatiscunt, vix respondet aegrotus; facies pallida aequae ac labia; oris et gingivarum conditio melior; alvus soluta, urina pauca, turbida.

II. Martis die. Noctu interdium deliria, somnolentia, ter syncope accessit, orthopnoea maxima; nulla de dolore querela; sitis, pulsus debilis, irregularis, intermittens, = 90; ictus cordis debilis, soni obtusi, strepitus follicularis clarior; urina pallida.

Sub vesperam deliria, alta voce clamat aegrotus et orthopnoeam levare cupit, precibus ejus comoti me arcessunt, sed puerum mortuum inveni. —

SECTIO CADAVERIS.

Triginta sex horas post mortem sub calore quindecim graduum scalae Réaumurianae.

Caput defuncti et columnam spinalem aperire non licuit. Ablata anteriori thoracis parte, apparent pulmones thoracem satis explentes, colore normali, adhaesiones nonnullae cum pleura costali et diaphragmatica, tenues, filiformes.

Incisus pulmonibus nil anomale invenitur, particulae excisae aquis non submerguntur.

Bronchia aperta impleta apparent muco flavo-albido, membrana interna non mutata; glandulae nonnullae induratae videntur.

Cor cum pericardio multo majorem solito locum implet, pars exterior colorem flavo-rubrum, marmoratum offert. Adhaesiones inter pericardium et pulmones nonnullae, tenues. Pericardium cordi adeo

adhaeret, ut sine cordis incisione aperiri nequeat; incisura facta, cor et pericardium in unum corpus coalita apparent, cujus pars interna major, rubra, media crassitie linearum trium (= 3'''), rubro-flava, cum nonnullis striis rubris, pars externa durior, flavo-albida cernitur. Pars media cum corde et pericardio tam firmiter concrevit, ut digito solvi non possit et quasi singulis ramulis orta videatur, similis trabeculis carneis coalitis, sanguinis imbibitione rubefactis. Dum haec membrana a corde divellitur, solvitur quoque cordis membrana exterior ipsa et scabra redditur cordis facies externa.

Cordis magnitudo valde adaucta multo superat magnitudinem pugni pueri defuncti. Paries ventriculi sinistri crassitie linearum est undecim, = 11'''; paries ventriculi dextri fere linearum quatuor ad quinque, 4 — 5'''. Cavum cordis sinistrum impletum massa duriuscula, elastica (recellens), flava, magnitudine ovi columbini majoris, pauxillum seri rubri adest (1).

Similis massa, parcior autem et tenuior, in cavo dextro invenitur. Membrana cordis interna et atrii et ventriculi sinistri flava nonnullis insignitur prominentiis albis duris, magnitudinem parvi seminis aequantibus, quibus scabra redditur haec membrana, cujus crassities major solito apparet.

Quae membrana si cultro raditur, sonum edit freudentem, tanquam arena adesset. Passim ut in

(1) Cf. Bouillaud, Neue clinische Untersuchungen über die im Herzen sich bildenden Concretionen in Forrieps Notizen p. 314 — 318. 1839.

cavitatibus dextri cordis, rubefacta videtur haec membrana interna, velut sanguinis imbibitione orta. Nulla valvularum induratio; num intumescencia earum exstet, certo dirimere non ausim.

Membrana interna vasorum majorum, aortae et carotidum, nullo modo mutata.

Octo fere unciae seri rubri in pectoris parte inferiori inveniebatur.

Tractus intestinalis incisus nil anomali ostendit, nisi vermes tres majores ac teretes.

Hepar aequae ac reliqua viscera abdominis nullo morbo mutata apparebant.

Valde doleo, me veniam non impetrasse, totum cor auferendi, quare parvam tantum partem ventriculi sinistri fustim excisam ostendere potui in clinico nosocomiali caritatis, cui praestitit Ill. Barez, quae vero pars supra narrata satis clare probavit. —

V I T A.

Natus ego sum Fridericus Guilelmus Kuepper, confessioni evangelicae addictus, a. MDCCLXXV, octavo Februarii die, Mettmanniae, pago prope Düsseldorfium sito, patre carissimo J. A. Kuepper, praefecto summo rerum ecclesiasticarum provinciae Rhenanae, matre dilectissima e gente Marcus, quos parentes superstites per divinam gratiam intimo animo